

Na temelju članka 15. stavak (5) Zakona o oružju i streljivu u Hercegovačko-neretvanskoj županiji - kantonu („Narodne novine Hercegovačko-neretvanske županije“ , broj 5/17) ministar unutarnjih poslova na prijedlog komesara, donosi

P R A V I L N I K

O PROGRAMU OBUKE I NAČINU OSPOSOBLJAVANJA ZA PRAVILNO RUKOVANJE, DRŽANJE I NOŠENJE ORUŽJA

DIO PRVI – OPĆE ODREDBE

Članak 1. **(Predmet)**

Ovim Pravilnikom propisuje se Program obuke i način osposobljavanja za pravilno rukovanje, držanje i nošenje oružja (u daljem tekstu: Program), te posebni uvjeti koje moraju ispunjavati stručne ovlaštene organizacije koje se mogu baviti obukom u rukovanju vatrenim oružjem.

Članak 2. **(Uvjeti za obavljanje obuke)**

(1) Obukom se u skladu sa Zakonom o oružju i streljivu u HNŽ (u daljem tekstu: Zakon) može baviti stručna ovlaštena organizacija (u daljem tekstu: „ovlaštena organizacija“) koja može biti streljačka odnosno druga organizacija i ustanova koja posjeduje odobrenje Ministarstva unutarnjih poslova Hercegovačko-neretvanske županije - kantona (u daljem tekstu: ministarstvo) i ispunjava sljedeće propisane uvjete za sprovođenje obuke:

- a) odgovarajuće strelište za obuku, prostoriju za čuvanje vatrenog oružja i streljiva i prostoriju za teorijski dio obuke,
- b) oružje za obuku ,
- c) nastavna sredstva za obuku,
- d) stručni kadar za sprovođenje obuke i
- e) druge uvjete propisane ovim Pravilnikom.

(2) Ispunjavanje uvjeta iz stavka (1) ovog članka utvrđuje posebno Povjerenstvo, koje imenuje ministar na prijedlog komesara.

Članak 3. **(Pojmovi)**

Pojedini pojmovi upotrijebljeni u ovom Pravilniku imaju sljedeće značenje:

- a) „strelište za obuku“ je posebno izgrađeni prostor za izvođenje gađanja vatrenim oružjem (u daljem tekstu: strelište), koji ispunjava uvjete propisane Zakonom i Pravilnikom o prostornim i tehničkim uvjetima civilnih strelišta, te drugim pozitivnim propisima kojima je regulirana ova oblast.

b) „oružje za obuku“ čini vatreno oružje one vrste za koje se sprovodi obuka, sa odgovarajućim streljivom.

c) „nastavna sredstva za obuku“ čini oprema neophodna za sprovođenje obuke sukladno Programu (mete, školska municija, antifoni, sredstva za čišćenje oružja, zaštitne naočale i dr.).

Članak 4. (Stručni kadar)

Stručni kadar za sprovođenje obuke podrazumijeva da ovlaštena organizacija mora imati predavače i instruktore koji imaju odgovarajuću stručnu spremu i iskustvo, i to:

a) predavač za oblast “Pravni aspekt držanja, nošenja i uporabe vatrene oružja” – završen pravni fakultet sa tri godine radnog iskustva ili završen kriminalistički fakultet u obimu od najmanje 240 ECTS bodova i pet godina radnog iskustva u policijskim agencijama.

b) instruktor za oblast „Rukovanje i gađanje vatrene oružjem”, – najmanje srednja stručna sprema - IV stepen i pet godina radnog iskustva na poslovima ovlaštene službene osobe u policijskim agencijama, koji podrazumijevaju obučenosť u rukovanju i praktičnom gađanju vatrene oružjem ili osoba sa predviđenom stručnom spremom i iskustvom na poslovima instruktora, trenera streljaštva ili rangiranog sportiste streljačkog športa.

DIO DRUGI – PROGRAM I NAČIN OSPOSOBLJAVANJA

Članak 5. (Odobrenje za provođenje obuke)

(1) Zahtjev za izdavanje odobrenja za sprovođenje obuke podnosi se ministarstvu i sadrži:

a) naziv, sjedište i djelatnost ovlaštene organizacije,

b) ime i prezime, jedinstveni matični broj i adresu prebivališta ovlaštene osobe u ovlaštenoj organizaciji,

c) spisak vatrene oružja po vrstama za koje će se sprovoditi obuka.

(2) Uz zahtjev iz stavka (1) ovog članka ovlaštena organizacija prilaže:

a) rješenje o registraciji ovlaštene organizacije,

b) dokaz o jedinstvenom identifikacijskom broju organizacije koja namjerava da sprovodi obuku,

c) dokaz da su osigurani: streljište, prostorije, oružje za obuku i nastavna sredstva, u skladu sa ovim Pravilnikom,

d) spisak predavača i instruktora, kao i dokaze o njihovoj stručnoj spremi i propisanom iskustvu za sprovođenje obuke te dokaz o angažiranju u ovlaštenoj organizaciji.

(3) Kada Povjerenstvo iz članka 2. stavka (2) ovog Pravilnika utvrdi da su ispunjeni propisani uvjeti, ministar donosi rješenje kojim odobrava sprovođenje obuke.

(4) Ministar će rješenjem oduzeti odobrenje za sprovođenje obuke ukoliko prestane neki od uvjeta iz stavka (1) i (2) ovog članka, koji su propisani za dobivanje odobrenja.

Članak 6.
(Program obuke)

- (1) Obuka se sastoji od teorijske i praktične nastave u trajanju od 14 nastavnih sati (po 45 minuta) prema nastavnim cjelinama propisanim u Programu.
- (2) Program obuke za rukovanje vatrenim oružjem nalazi se u Prilogu ovog Pravilnika i čini njegov sastavni dio.

Članak 7.
(Prijava za obuku)

- (1) Prijava za obuku po Programu obuke iz članka 6. ovog Pravilnika podnosi se ovlaštenoj organizaciji na obrascu broj 1. koji je sastavni dio ovog Pravilnika.
- (2) Kandidat koji pristupa obuci obavezan je ovlaštenoj organizaciji kod koje pristupa obuci priložiti na uvid identifikacijsku ispravu sa fotografijom i ovjerenu kopiju uvjerenja o zdravstvenoj sposobnosti za držanje i nošenje oružja (ne starije od šest mjeseci).

Članak 8.
(Pohađanje obuke)

- (1) Nakon provedenog teorijskog i praktičnog dijela obuke, ovlaštena organizacija izdaje kandidatu koji je pohađao obuku potvrdu o urednom pohađanju obuke kojom se potvrđuje da je kandidat pohađao obuku (obrazac br.2.).
- (2) Kandidat koji ima potvrdu o položenom ispitu o osposobljenosti za pravilno držanje, nošenje i rukovanje oružjem jedne vrste prilikom pohađanja obuke za rukovanje vatrenim oružjem druge vrste pohađa samo praktični dio obuke i pristupa praktičnom dijelu provjere znanja za tu vrstu oružja.

DIO TREĆI – PROVOĐENJE ISPITA

Članak 9.
(Prijava za polaganje)

- (1) Kandidat, nakon završene obuke iz članka 6. ovog Pravilnika, pristupa polaganju ispita o osposobljenosti za pravilno držanje, nošenje i rukovanje oružjem (u daljem tekstu: polaganje ispita).
- (2) Prijava za polaganje ispita podnosi se Povjerenstvu za provjeru znanja o pravilnom držanju, nošenju i rukovanju oružjem (u daljem tekstu: Povjerenstvo).
- (3) Prijava za polaganje ispita podnosi se na obrascu broj 3. koji je sastavni dio ovog Pravilnika.
- (4) Uz prijavu za polaganje ispita kandidat dostavlja potvrdu o urednom pohađanju obuke .
- (5) Povjerenstvo će u svom radu prihvaćati potvrde o urednom pohađanju obuke izdate od ovlaštenih organizacija na području BiH.

Članak 10.
(Povjerenstvo)

- (1) Povjerenstvo imenuje ministar na prijedlog komesara.
- (2) Povjerenstvo sačinjavaju predsjednik i četiri člana koji imaju zamjenike i koji su zaposlenici ministarstva , od kojih su tri člana iz reda policijskih službenika sa činom inspektor ili većim činom, a dva iz reda državnih službenika od kojim jedan mora biti sa završenim pravnim fakultetom.
- (3) U radu Povjerenstva može učestvovati najviše jedan zamjenik člana.
- (4) Članovi i zamjenici članova Povjerenstva se imenuju na vremenski period od dvije godine, i mogu biti ponovo birani.

Članak 11.
(Način rada Povjerenstva)

- (1) Provjera znanja sastoji se iz teorijskog i praktičnog dijela.
- (2) Iz svake oblasti kandidat dobiva po tri pitanja.
- (3) O provjeri znanja svakog kandidata vodi se zapisnik, u koji se unose podaci:
 - a) ime i prezime kandidata te podaci o jednom roditelju,
 - b) datum rođenja,
 - c) mjesto, općina, grad i država rođenja,
 - d) jedinstveni matični broj,
 - e) adresa stanovanja,
 - f) serijski broj javne isprave kojom je provjeren identitet kandidata,
 - g) broj potvrde o urednom pohađanju obuke i naziv ovlaštene organizacije u kojoj je kandidat pohađao obuku,
 - h) mjesto i vrijeme provjere znanja ,
 - i) pitanja koja su postavljena kandidatu,
 - j) ocjenu iz svake oblasti ,
 - k) ukupnu ocjenu Povjerenstva o uspjehu kandidata,
 - l) imena i potpise članova Povjerenstvo.
- (4) Dokumentacija sa zapisnikom o provjeri znanja kandidata čuva se pet godina.

Članak 12.
(Način ocjenjivanja)

- (1) Ocjene iz svake oblasti posebno, kao i ukupna ocjena su: “zadovoljava” i “ne zadovoljava”.
- (2) Ukupnu ocjenu “zadovoljava” dobiva kandidat koji takvu ocjenu dobije iz svih oblasti.
- (3) Kandidatu koji dobije ukupnu ocjenu “zadovoljava” Povjerenstvo izdaje Uvjerenje o položenom ispitu o osposobljenosti za pravilno držanje, nošenje i rukovanje oružjem na obrascu broj 4. koji je sastavni dio ovog Pravilnika.
- (4) Kandidat koji iz jedne oblasti dobije ocjenu “ne zadovoljava” može ponovo, u roku od 30 dana od dana ispita, da se prijavi za provjeru znanja iz te oblasti, bez ponovnog pohađanja obuke.

- (5) Kandidat koji iz više oblasti dobije ocjenu “ne zadovoljava”, kao i kandidat koji na ponovljenoj provjeri znanja dobije ocjenu “ne zadovoljava” ponovo pohađa kompletnu obuku i pristupa cjelokupnoj provjeri znanja.
- (6) Kandidat koji iz opravdanog razloga prekine pohađanje obuke ili ne pristupi provjeri znanja, može u roku od 30 dana od prekida nastaviti pohađanje obuke, odnosno pristupiti provjeri znanja.
- (7) Ukoliko kandidat bez opravdanog razloga prekine pohađanje obuke ili ne pristupi provjeri znanja, smatra se da nije pohađao obuku.

DIO ČETVRTI – EVIDENCIJE

Članak 13. (Evidencije koje vode ovlaštene organizacije)

Ovlaštene organizacije iz članka 2. ovog Pravilnika dužne su voditi i trajno čuvati evidencije o:

- a) nabavljenom oružju i streljivu,
- b) utrošenom streljivu,
- c) polaznicima osposobljavanja ,
- d) održanoj teoretskoj i praktičnoj nastavi i prisutnosti polaznika na nastavi,
- e) izvedenom programu osposobljavanja,
- f) izdanim potvrdama o završenom osposobljavanju,
- g) provedenom gađanju (dnevnik gađanja).

Članak 14. (Evidencije o položenom ispitu)

- (1) Povjerenstvo iz članka 10. ovog Pravilnika dužno je voditi evidenciju o položenom ispitu o osposobljenosti za pravilno držanje, nošenje i rukovanje oružjem.
- (2) Evidencija iz stavaka (1) nalazi se na obrascu broj 5. i sastavni je dio ovog Pravilnika, a sadrži sljedeće rubrike:
 - a) redni broj,
 - b) prezime (ime oca) i ime podnositelja prijave,
 - c) jedinstven matični broj građana,
 - d) datum podnošenja prijave,
 - e) datum polaganja,
 - f) rezultat ispita - zadovoljava/ne zadovoljava,
 - g) imena članova Povjerenstva ,
 - h) primjedbe.

DIO PETI – PRIJELAZNE I ZAVRŠNE ODREDBE

Članak 15. (Troškovi polaganja)

Troškovi polaganja ispita o osposobljenosti za pravilno držanje, nošenje i rukovanje oružjem padaju na teret podnosioca zahtjeva, a određuje ih ministar MUP HNŽ-K rješenjem.

Članak 16. (Stupanje na snagu)

Ovaj Pravilnik stupa na snagu osmog dana od dana objave u “Narodnim novinama Hercegovačko – neretvanske županije”.

Bosna i Hercegovina
Federacija Bosne i Hercegovine
HERCEGOVAČKO-NERETVANSKA ŽUPANIJA-KANTON
MINISTARSTVO UNUTARNJIH POSLOVA

Broj:
Datum:

MINISTAR

Sladan Bevanda

Prilog:**PROGRAM OSPOSOBLJAVANJA GRAĐANA ZA PRAVILNO RUKOVANJE
VATRENIM ORUŽJEM , DRŽANJE I NOŠENJE ORUŽJA****I – TEME I PITANJA ZA TEORIJSKI DIO**

	NASTAVAKNE TEME	Broj sati
	OSNOVE ZAKONSKIH ODREDBI ZAKONA O ORUŽJU <ul style="list-style-type: none">• osnovne odredbe Zakona o oružju• kategorizacija oružja• nabavljanje oružja i streljiva i isprave o oružju ,• postupanje sa oružjem i streljivom ,• oduzimanje oružja , streljiva i isprava o oružju,• kaznene odredbe Zakona o oružju koje se odnose na građane.	2
	ZAKONSKI UVJETI ZA UPORABU VATRENOG ORUŽJA <ul style="list-style-type: none">• nužna obrana,• krajnja nužda• postupak nakon uporabe vatrenog oružja,• kažnjive radnje koje nastaju nezakonitom uporabom vatrenog oružja	2

II – RUKOVANJE I GAĐANJE VATRENIM ORUŽJEM

	NASTAVAKNE TEME	Broj sati
	SIGURNOST PRI RUKOVANJU VATRENIM ORUŽJEM <ul style="list-style-type: none">• primarne mjere sigurnosti• sekundarne mjere sigurnosti• sigurnost pohranjivanje oružja• sigurnosne procedure i postupci s vatrenim oružjem• sigurnost nošenja vatrenog oružja• sigurnost na strelištu	2
	KRATKO I DUGO VATRENO ORUŽJE <ul style="list-style-type: none">• taktičke i tehničke karakteristike kratkog i dugog vatrenog oružja• glavni dijelovi• sistemi za osiguranje oružja• funkcionalne poluge• sistemi okidanja• održavanje vatrenog oružja	2
	OSNOVE VJEŠTINE GAĐANJA <ul style="list-style-type: none">• hvat i držanje oružja• stavovi za gađanje• nišanjenje• okidanje	1

	PRAKTIČNE VJEŽBE U RUKOVANJU VATRENIM ORUŽJEM <ul style="list-style-type: none"> • mjere i radnje pri provjeri napunjenosti oružja • upotreba funkcionalnih i sigurnosnih poluga • rastavljanje i sastavljanje • okidanje 	2
--	--	---

II TEME I ZADACI ZA PRAKTIČNI DIO

Gađanje vatrenim oružjem – 3 nastavna sata

R/B	Vrsta oružja	Meta	Daljina i stav	Metak	Rezultat
a)	Pištolj ili revolver	športska, kružna meta R50 cm	15m, stojeći stav	5 metaka probnih i 10 metaka za ocjenu	najmanje tri pogotka u metu
		siluetna meta B27 48 x 65 cm	10 m, stojeći stav	10 metaka za ocjenu	najmanje pet pogodaka u metu
b)	Malokalibarska puška	športska, kružna meta R50 cm	50 m, ležeći stav	5 metaka probnih i 10 metaka za ocjenu	najmanje pet pogodaka u metu
		športska, kružna meta R50 cm	25 m, stojeći stav	10 metaka za ocjenu	najmanje pet pogodaka u metu
c)	Lovački karabin	športska, kružna meta R50 cm	100m, ležeći stav	5 metaka probnih i 10 metaka za ocjenu	najmanje pet pogodaka u metu
		športska, kružna meta R50 cm	50 m, stojeći stav	10 metaka za ocjenu	najmanje pet pogodaka u metu
d)	Puška sa neolučenom cijevi	športska, kružna meta R50 cm	30 m, stojeći stav	5 patrona sa sačmom promjera najmanje 5 mm	najmanje 50% sačme u meti

NAPOMENA: Vlasnici kombiniranog oružja polažu po kriterijima koji važi za lovačke karabine i puške sa neolučenim cijevima.

Ime (ime oca) i prezime

Datum rođenja

Mjesto i općina rođenja

Adresa stanovanja

JMB : _____

Broj osobne iskaznice : _____

Kontakt telefon : _____

Naziv ovlaštene organizacije

PREDMET: PRIJAVA ZA OBUKU

Na osnovu članka 7. Pravilnika o programu obuke i načinu osposobljavanja za pravilno rukovanje, držanje i nošenje oružja, („Narodne novine HNŽ“ broj: _____), podnosim prijavu za obuku za pravilno rukovanje, držanje i nošenje oružja.

Uz prijavu prilažem sljedeće:

1. Ovjerena kopija uvjerenja o zdravstvenoj sposobnosti, ne starije od šest mjeseci,
2. Osobna iskaznica – na uvid.

Datum: _____

Potpis podnositelja prijave:

Naziv ovlaštene organizacije

Broj: _____

Datum: _____

Na osnovu članka 8. Pravilnika o programu obuke i načinu osposobljavanja za pravilno rukovanje, držanje i nošenje oružja („Narodne novine HNŽ“ broj: _____), ovlaštena organizacija _____ izdaje
(naziv ovlaštene organizacije)

**POTVRDU
O POHAĐANJU OBUKE**

Kandidat _____ pohadao
(ime, ime oca i prezime)
je obuku sukladno Programu o osposobljavanju za pravilno rukovanje, držanje i nošenje oružja za

(vrsta oružja)
u ovlaštenoj organizaciji _____ u
(naziv ovlaštene organizacije)
trajanju od 14 nastavnih sati.

(mjesto i datum)

OVLAŠTENA OSOBA

M.P.

Ime (ime oca) i prezime

Datum rođenja

Mjesto i općina rođenja

Adresa stanovanja

JMB : _____

Broj osobne iskaznice : _____

Kontakt telefon : _____

E-mail _____

**POVJERENSTVO ZA PROVJERU ZNANJA
O PRAVILNOM DRŽANJU, NOŠENJU I RUKOVANJU ORUŽJEM MUP HNK/Ž**

Na temelju članka 9. Pravilnika o programu obuke i načinu osposobljavanja za pravilno rukovanje, držanje i nošenje oružja („ Narodne novine HNŽ“ broj: _____), podnosim prijavu za polaganje ispita o osposobljenosti za pravilno držanje, nošenje i rukovanje oružjem.

Dana _____ godine završio/la sam obuku po Programu obuke za pravilno rukovanje, držanje i nošenje oružja.

Ukoliko je podnositelj zahtjeva ranije izlazio na ispit navesti datum posljednjeg izlaska

Uz prijavu prilažem sljedeće:

1. Potvrda o pohađanju obuke

(Mjesto i datum)

Potpis podnositelja prijave

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON
MINISTARSTVO UNUTARNJIH POSLOVA
Povjerenstvo za provjeru znanja o pravilnom držanju, nošenju i rukovanju oružjem

Broj: _____

Datum: _____

Na temelju članka 15. stavak (4). Zakona o oružju i streljivu u Hercegovačko-neretvanskoj županiji-kantonu („Narodne novine Hercegovačko-neretvanske županije, broj 5/17) , članka 12. stavak (3) Pravilnika o programu obuke i načinu osposobljavanja za pravilno rukovanje, držanje i nošenje oružja („ Narodne novine HNŽ“ broj: _____), Povjerenstvo za provjeru znanja o pravilnom držanju, nošenju i rukovanju oružjem, i z d a j e

UVJERENJE
O POLOŽENOM ISPITU O OSPOSOBLJENOSTI ZA
PRAVILNO DRŽANJE, NOŠENJE I RUKOVANJE ORUŽJEM

(Prezime, ime oca i ime)

rođen/a _____.godine u _____, općina _____, država
_____ sa prebivalištem u _____, adresa _____, JMB
_____, broj osobne iskaznice _____ izdana u _____,
dana _____, položio/la je ispit o osposobljenosti za pravilno držanje, nošenje
i rukovanje za _____
(vrsta oružja)

pred Povjerenstvom za provjeru znanja o pravilnom držanju, nošenju i rukovanu oružjem.

PREDSJEDNIK
POVJERENSTVA

M.P.

**EVIDENCIJA O POLOŽENOM ISPITU O OSPOSOBLJENOSTI ZA PRAVILNO
DRŽANJE, NOŠENJE I RUKOVANJE ORUŽJEM**

Redni broj	Prezime (ime oca) i ime podnosioca prijave	Jedinstveni matični broj JMB /	Datum podnošenja prijave	Datum polaganja	ZADOVOLJAVA NE ZADOVOLJAVA	Imena članova Povjerenstva	Primjedbe
1	2	3	4	5	6	7	8